


ახადბაზღა

სოციალ-დემოკრატი

Edition „LE JEUNE SOCIAL DEMOCRATE ‘ Géorgienne

გამოცემა საქ. ახალგაზრდა მარქსისტთა ორგანიზაციის საზღვარგარეთელ დგეგვაციის

მეშვიდე რვეული. პარიზი. იანვარი 1931 წ. Paris



ნოვარკაშივილი

1881 — 1930

ნოე რამიშვილი

ნოე რამიშვილი დაიბადა 1881 წელს გურიის მთა-გორიან სოფელ სურებში. იგი პირველად მშობლებმა მიაბარეს იმავე სოფლის სკოლაში, სადაც მასწავლებლად იმ ხანად იყო ჩვენში კარგად ცნობილი, იშვიათი პედაგოგი და საზოგადო მოღვაწე ისიდორე რამიშვილი. არაჩვეულებრივი ბუნების პატრონს, პატარა ნოეს, ამ კეთილმა მასწავლებელმა ბავშობიდან ე ჩაუწერა მას დაჩაგრულთა სიყვარული, მასწავლებლად მისარჩლეობა და კეთილი საქმიანობა.

სოფლის სკოლის დამთავრების შემდეგ იგი ჯერ სწავლობს ოზურგეთის სასულიერო სასწავლებელში და შემდეგ კი ქუთაისის სემინარიაში. სემინარია მან დამთავრა და 1901 წელს უმაღლესი სწავლის მისაღებათ იგი შედის დორპატის უნივერსიტეტში, იურიდიულ ფაკულტეტზე. იმ დროს საერთოდ რუსეთის ყველა უნივერსიტეტთა სტუდენტებს შორის დიდი რევოლუციური მოძრაობა დაიწყო და ნოე კი ერთი თვალსაჩინო მონაწილეთაგანი შეიქმნა. ამის გამო მას უნივერსიტეტის დამთავრება არ დასცალდა და 1902 წელს იგი საქართველოში გადასახლეს.

საქართველოში კახანია დაწყებული მუშათა მოძრაობა, რასაც ნოე იცნობდა, ახლა მას აზვირთებული დახვდა. ამ დროს ადგილობრივი ხელისუფლება მუშათა მოძრაობის ხელმძღვანელთ და მონაწილეთაგან მრავლად ასახლებს ციხეებს. ასეთ დროს, 1902 წ. ზაფხულის მიწურულში, ნოე რამიშვილი ქალაქ ბათუმში მუშათა მოძრაობას სათავეში ჩაუდგა, როგორც კომიტეტის წევრი, და ხელი მოკიდა გურიაში სოციალ-დემოკრატიული ორგანიზაციების მოწყობას. მისი ხელმძღვანელობით გურია მალე მოიფინა საიდუმლო სოციალ-დემოკრატიული ორგანიზაციებით და 1903 წელს, ივნისში, ნოეს ინიციატორობით ქალაქ ბათუმში მოწვეულ იქმნა გურიაში მომუშავეთა კონფერენცია.

ბათუმის და გურიის სოციალ-დემოკრატიულ ორგანიზაციებში მისი დაუღალავი მუშაობა უანდარმებს არ გამოეპარათ და ნოე იძულებული შეიქმნა ბათუმის არე-მარეს დროებით მორიდებოდა. იგი გადასახლდა ტფილისს, სადაც მუშებმა კომიტეტის წევრად აირჩიეს.

1904 წელს, შემოდგომაზე, ნოეს კვალს უანდარმებმა მიაგნეს, იგი დააპატიმრეს და გადაგზავნეს ეტაპით ბათუმში, სადაც მას ადგილობრივი კომიტეტის საქმიანობაში ბრალი ედებოდა. გზაში ნოე მატარებლიდან გადახტა, გაიქცა და არალეგალურად იწყო ცხოვრება — ჯერ დონის — როსტოვში, სადაც თვალსაჩინო წევრი იყო სოციალ-დემ. ორგანიზაციის. მათის თვეში 1905 წელს ნოე არალეგალურად დაბრუნდა თფილისში და სხვებთან ერთად შეუბრალებელი და სასტიკი ბრძოლა გამოუცხადა ბოლშევიკებს. იმავე ხანებში იგი ნ. ურდანიასთან ერთად ხელმძღვანელობდა არალეგალურ ურდნალს „სოციალ-დემოკრატს“ და იყო, ბოლშევიკთა დამარცხების შემდეგ, მენშევიკთა ბიუროს წევრი, პირველი რევოლუციის [1905] ერთი ხელმძღვანელთაგანი; რეაქციის ხანებში მუშათა ორგანიზაციებს მტკიცეთ აკავშირებს, მუშათა მოძრაობას და სოციალ-დემოკრატიულ გაზეთებს ხელმძღვანელობს და თანაც უბადლო პროპაგანდისტ-ორგანიზატორია.

რეაქციის ხანაში მრავალჯერ დააპატიმრეს და საქართველოდან გადასახლეს, მაგრამ იგი ყოველთა ის ახერხებს უკანაბრუნებას, მუშათა ორგანიზაციებში და მრავალ წრეებში დიდი იმედის და თავისუფლებისათვის დაუშრეტელი ბრძოლის წყურვილის შეტანას. მას ჩუენი მუშები უაღრესი ნდობით ეპყრობიან, იგი იყო სოციალ-დემოკრატიული პარტიის ყველა უმაღლეს დაწესებულებათა არჩეული წევრი, რუსეთის სოციალ-დემოკ. პარტიის ცენტრალური კომიტეტის წევრი, მსოფლიო ომის დროს არა მარტო პარტიის ხელმძღვანელთაგანი, არამედ პარტიის მაშინდელ ყველა გაზუთების რედაქტორი.

1908-9 წ.წ. იგი სწავლობს ლაიპციგის უნივერსიტეტში. მსოფლიო ომის დროს ნოე არის პარტიის ხელმძღვანელი, დიდი რევოლუციის [1917 წ.] დაწყებისთანავე იგი არჩეულია: ტფილისის მუშათა და ჯარისკაცთა აღმასრულებელი კომიტეტის, მუშათა-გლეხთა და ჯარისკაცთა ცენტრის წევრად, პარტიის საოლქო კომიტეტის თავმჯდომარის ამხანაგად, იყო არჩეული რუსეთის დამფუძნებელი კრების წევრად, შემდეგ ამ. კავასიის სეიმის, ეროვნულ საბჭოს, პარლამენტის და დამფუძნებელი კრების წევრად, დამოუკიდებელ საქართველოს პირველი მთავრობის თავმჯდომარედ; შემდეგ შინაგან, განათლების და სამხედრო საქმეთა მინისტრი, მისი განათლების მინისტრობის დროს დაარსდა საქართველოში უნივერსიტეტი; მისი შინაგან საქმეთა მინისტრობის დროს მოეწყო საქართველოს ყველა კუთხეში და მივარდნილ სოფლებშიც ფოსტა-ტელეგრაფ-ტელეფონები.

მისი გამჭირახი ორგანიზატორობის მეოხებით საქართველოს ნორჩი რესპუბლიკის შიგნიდან დანგრევა ვერც კომუნისტებმა და ვერც ყოველი ფერის და ჯურის რეაქციონერებმა შესძლეს.

გარეშე ძალის — რუსეთის ბარბაროს კომუნისტების მიერ საქართველოს ოკუპაციის [1921 წ.] შემდეგ დამფუძნებელი კრების დადგენილებით ნოე, როგორც მთავრობის წევრი, საქართველოს მთავრობასთან ერთად ევროპაში გაიხიზნა. ევროპაში იგი დაუყოვნებლივ შეუდგა საქართველოს გათავისუფლების საქმეს და მისებური გატაცებით, იმედიანობით და გაათეცეებული ენერგიით ცდილობდა სამშობლოს გათავისუფლებას, იყო პარტიის საზღვარგარეთის ბიუროს წევრი და ხელმძღვანელი, ერთი რედაქტორთაგანი საზღვარ გარეთის პარტიული გაზუთების.

მისი ცხოვრება განუყრელად შეკავშირებულია საქართვე. სოც. დემ. მუშ. და ქართველი ერის გამათავისუფლებელ დღევანდელ მოძრაობასთან. იგი იყო შეუდარებელი თავდადებული მებრძოლი სამშობლოს განსათავისუფლებლად და მისი დამოუკიდებელი რესპუბლიკის აღსადგენათ.

1930 წ. დეკემბრის 7-ს, ნაშუადღევს სამ საათზე, როცა ნოე მიეჩქარებოდა პარტიულ კრებაზე, პარიზში, იტალიის მოედანზე, ჯგებირს ამოფარებულმა მოსყიდულმა ბორტტმა ხელმა რევოლუციის ტყვიით მას სიცოცხლე შეუწყვიტა და საქართველოს გამათავისუფლებელ რაზმს უაღრესად თავდადებული და შეუდრეკელი მემკარო ხელიდან გამოაცალა.



ნოე რამიშვილის ხსოვნისათვის

დღეს, როდესაც ნოე რამიშვილის ცხედარი ჯერ კიდევ არ გაცივებულა, როდესაც ყველა ჩვენ იმ შთაბეჭდილების გემ ვიმყოფებით, რომელიც მისმა ასე ერაგულათ მოკლამ მოახდინა ჩვენზე, ძნელია მისი მოღვაწეობის ყოველმხრივი და სწორი დაფასება. ეს მომავლის სა მეა.

მის ხსოვნის პატივსაცემათ; ჩვენ გვინდა მხოლოდ აღვნიშნოთ ერთი მხარე მის მოღვაწეობაში, ჩვენ გვინდა მოვიგონოთ თუ რა მნიშვნელოვანი იყო მისი ღვაწლი იმ დიდ საქმეში, რომელსაც მთელი ქართველი ერი ეტრფოდა: საქართველოს სახელმწიფოს შექმნასა და განმტკიცებაში

მისი სახელი სამუდამოთ დაკავშირებული იქნება იმ აღფრთოვანებით აღსაცხე დღესთან, რომლის დაბრუნება მთელ ჩვენ ქვეყანას ასე ღრმად სწადია; რომლის დაბრუნებისათვის ის ასე დაუღალავათ იბრძვის და ამდენ მსხვერპლს იღებს, 1918 წლის 26 მაისთან, იმ დღესთან, როცა დაიბადა საქართველოს დამოუკიდებელი რესპუბლიკა. ამ დღეს იყო სწორეთ, რომ ნოე რამიშვილი არჩეულ იქნა ახალ სახელმწიფოს მთავრობის თავჯდომარეთ და შინაგან საქმეთა მინისტრათ.

სამი წლის განმავლობაში, ჯერ როგორც მთავრობის თავჯდომარე, მერე როგორც შინაგან საქმეთა, განათლების და სამხედრო მინისტრი, ყოველთვის დაუღალავი, დიდი ენერჯიის პატრონი, იშვიათი ხასიათის სიმტკიცით და ნებისყოფით აღჭურვილი, ერთგულათ და თავდადებულათ იბრძოდა ახალ სახელმწიფოს მტრების წინააღმდეგ.

მან კარგად იცოდა, თუ რა განსაცდელი მოელოდა საქართველოს დამოუკიდებლობას; მისი მოუსვენარი სული, მუდამ ვალვიძებულთ თვალყურს ადევნებდა მტერს და სკდილობდა შიგნით დემოკრატიული წესრიგი გაემტკიცებია და საზღვრების დასაცავად მტკიცე და ბრძოლისათვის გამოსადეგი ჯარი მოემზადებია.

იმ დროს, როდესაც მთელი რუსეთი ანარქიას განიცდიდა, საქართველო წარმოადგენდა გამონაკლისს წესრიგისა და შემოქმედებითი მუშაობის მხრით, და აი სწორეთ ამ პირობების შექმნაში ქართველი ერის ხელმძღვანელთა შორის ნოე რამიშვილს უდიდესი ღვაწლი მიუძღოდა.

ის იყო ბოლშევიზმის დაუძინებელი მტერი, მის სიძულვილს მოსკოვის ჯალათებისადმი, რომელიც სავსებით გამონათავდა ქართველი ერის გრძნობებს მის მტარვალთა მიმართ, თან ერთობოდა მის პიროვნებაში ბრძოლის წყურვილი და რწმენა გამარჯვებაში.

დღეს ის სამუდამოთ მოსცილდა იმ საქმეს, რომელსაც ის ემსახურებოდა. მაგრამ ქართველი ერი განაგრძობს ამ საქმეს, ის განაგრძობს ბრძოლას თავისუფლების მოსაპოვებლათ; ახლა შორს აღარ არის დღე, როცა ის თავის მიზანს მიაღწევს.

და ამ გამარჯვების დღეს ის მოიგონებს და პატივს სცემს მათ, ვინც თავისი სიცოცხლე საერთო საქმეს შესწირა და ვინც თავისი მოქმედებით ნათელპყო, რომ ქართველ ერს შეუძლია თავის თავს თვითონ უპატრონოს, შეუძლია შექმნას თანამედროვე სახელმწიფო და გასწიროს საჭირო მსხვერპლი თავის იდეალის განსახორციელებლათ.

მათ შორის კი ნოე რამიშვილს სამუდამოთ საპატიო აღვნიშნავთ აქვს მოპოვებული.



ძვირფას მანუა ვლემელს

წვიმს, წვრილ წვეთებს აბნევს ზეცა,
 ზმუის ქარი, იქნევს ტალღებს,
 თეთრ ნისლეტში ჩაიკეცა
 მთები, სოფლის სიამაყე,

წმიდა გულის შეწყდა ცემა
 უცნო მიწა, გლოვის ზარი
 შავ ფარდებად გადმოფევა
 ხმა სიკვდილის შესაწარი!

ალარა გვყავს ის, ვინც გუშინ
 მზიურ აზრებს უხვად ჰქმნიდა,
 მძიმე კენესის შავ ბურუსში
 ბრძოლის ხაზებს ცეცხლებს სცემდა!

მეტეხის ქვეშ ტირის მტკვარი,
 მწუხარება ტანჯავს სახეს,
 კოჯორიდან მოდის ქარი,
 მწუხრად ზიდავს ცნობის ნახევს.

წვიმს, წვრილ წვეთებს აბნევს ზეცა,
 ლანდებს იხმობს გლოვის უამი,
 შავ ფურცლებად დაიკეცა
 ხმა სიკვდილის შესაწარი!

გიორგი ყიფიანი

ს ა ქ ა რ თ ვ ე ლ ო ს ა ხ ა ლ გ ა უ რ დ ა მ ა რ ძ ხ ი ს ტ თ ა

ორგანიზაციების (აჩალგაზ. სოც.დემ.-თა) ცენტრალურ კომიტეტს

ძვირფასო ამხანაგებო!

ქართველ ერს, საქართველოს სოციალდემოკრატიას და ჩვენს ორგანიზაციებს თავს დაატყდა უდიდესი უბედურება. მტერმა ვერაგულათ ხელიდან გამოგვტაცა შეუდარებელი მებრძოლი ნოე რამიშვილი. მას ტყვიით განუგმირეს მგრძნობიარე გული, შეჩერდა მისი ძლიერი მაჯისცემა, უდროვანად შეწყდა მისი ნაყოფიერი და მჩქეფარე ცხოვრება.

ალარ გვყავს ის, ვინც მუდამ საქმეზე ფიქრობდა და ახალი ბრძოლის გეგმებს ადგენდა. ქართველ ერს წაართვეს მისი სიმტკიცის სიმბოლო, მისი სახელოვანი მედროზე. ჩვენ პარტიას მოსტაცეს მთავარი ორგანიზატორი, მისი ძლიერი ნებისყოფა მჩვენ ალარ გვყავს ყველაზე უფრო ახლობელი და მუდამ ჩვენზე მეტადვე ხელმძღვანელი და საყვარელი მასწავლებელი. ჩვენს საყვარელ დიდ ნოეს, ჩვენს მამას, ჩვენს მეთაურს მოაშორეს მისი ერთგული ნოე, მისი გეგმების ცხოვრებაში გამტარებელი. მისი ყველაზე ერთგული და ახლობელი თანამშრომელი...

მე მას ცოცხალს ვერ მოუხსარი. ქართველი ერის, ჩვენი პარტიის და თქვენი ზრახვები მას ვერ გადავეცი. ეს გარემოება კიდევ უფრო აორკეცებს ჩემს ტანჯას, ჩემს საშინელ ტრალედიას. ვაი ჩემს ბედს, რომ ამ საშინელ განსაცდელის ქამს მის გვერდით არ ვიყავი... ესლა კი ცოცხალი ვარ მხოლოდ ფიზიკურათ, ჩემი სული და გული, ჩემი ენერჯია საყვარელ ნოეს თან გაყვა. ვცოცხლობ უგულოთ, უშიზით და არ ვიცი, რისთვის ან ვისთვის. ჩემი და მისი ღირსეული ოჯახის ცხოვრება სამუდამოთ მოწამლულია...

ჩვენი საყვარელი და სახელოვანი ნოე სწორეო მაშინ დაეცა ბრძოლის ველზე გაშლილ დროშით ხელში, როცა ტირანიის კედლები ზანზარობენ, როცა გათავისუფლების ქამი მოახლოვებულია. შეუდარებელი მეტროძლი უმოძრაოთ ცივ სამარეშია მაშინ, როცა ის მეტათ საქირო იყო, როცა ის ყველაზე მეტს გააკეთებდა. ჩვენი მწუხარება უსაზღვროა იმ უღმობელი სინამდვილით, რომ ნოეს შეცვლა დღეს არავის შეუძლია, მისი ადგილი ცარიელია, მას მემკვიდრე არ დარჩენია...

მტერი შეტევაზე გადმოვიდა და გაიმარჯვა კიდევ. მან აიღო ჩვენი ძლიერი პოზიცია, ჩვენი საუკეთესო ციხე-სიმაგრე. მან სწორედ იქ დაგვარტყა, სადაც მეტ საფრთხეს ხედავდა და უდიდესი ზარალიც მოგვაყენა. ჩვენი მდგომარეობა რთულია, საქმის გამოსწორება არც ისე ადვილია...

რა გამოასწორებს ესლა ჩვენ საქმეს, აი ამ უდიდესი განსაცდელის ქამს? მხოლოდ და მხოლოდ ჩვენი პარტიისა და ორგანიზაციების მხნეობა და სიმტკიცე. ესლა გმართებთ თქვენ ყველა სასიცოცხლო ძალების დარაზმვა და რიგების შემზიდრობა. მტერი უნდა მიხვდეს, რომ ჩვენი საყვარელი ნოეს წაქცევით მისი საქმე არ დაღუპულა. თქვენ უნდა შესძახოთ ერთსულოვნათ მტერს და მოყვარეს, რომ თქვენ აგრძელებთ ძვირფასი ნოეს საყვარელ საქმეს. ჩვენ უნდა შევფიცოთ ჩვენი ძვირფასი ხელმძღვანელის წმინდა ხსოვნის წინაშე ერთხმათ და ერთსულოვნათ, რომ იმ საქმეს რომელსაც შეეწირა ჩვენი საყვარელი ნოე და უთვალავი ლეგიონები ჩვენი რიგები დან, ბოლომდე გაყვებით და მას სრულ გამარჯვებამდე მივიყვანთ. მე სანამ ცოცხალი ვარ თქვენს რიგებში მიგულეთ სხვა ნოეს ამხანაგებთან და მოწაფეებთან ერთად, რომლებიც აქ აგრძელებენ ნოესა და ჩვენს საერთო საქმეს...

მტერი მოსტყუდა. იღვია და კეთილი საქმე ტყვიათ არ მოკვდება. მე მწამს, რომ ნოეს ხსოვნა თქვენსა და მის მეგობარ-ამხანაგებში წაუშლელი დარჩება. მისი ოწამებრაგი სიკვდილი თქვენთვის სამაგალითო იქნება .. ძვირფასი ნოეს წაქცევით ხისი საქმე არ დაიღუპება...

ჩვენი რთული მდგომარეობა თქვენ მოგიწოდებთ ერთგულებისაკენ...

მამ მტკიცეთ და შეუპოვრათ ძვირფასო ამხანაგებო ახალი ბრძოლებისაკენ...

ჩვენი მხურვალე სალამი ჩვენს მხნე ორგანიზაციებს.

თქვენი ერთგული: ჰომერი.

დავკარგეთ ხელმძღვანელი

1930 წელი ჩვენი გლოვის აპოთეოზით დამთავრდა. ჩვენ უცხოეთის ცივ მიწას მივაბარეთ საყვარელი სარდალი და მასწავლებელი ნოე რამიშვილი, რომლის მთელი სიცოცხლე და ბრძოლა მტკიცედ იყო გადაბმული ჩვენი ორგანიზაციის ცხოვრებასთან. რამდენად საყვარელი და განუყრელი მეგობარი იყო ის ჩვენთვის იმდენად საშიში და დაუნდობელი მტრის წინააღმდეგ. მტერმა ეს კარგათ იცოდა და მისი სისხლიანი ხელები სწორედ იმ ადამიანის წინააღმდეგ აღიმართა, რომლის ღრწის თვალები სავსე იყო მტრის საბოლოო განადგურების ენერგიული გადაწყვეტილებით.

უსახლდროა საქ. სოც. დემ. ახალგაზრდობის გლოვა და მწუხარება. მან დაჰკარგა საუკეთესო პროტექტორი, რომლის თვითეული სიტყვა დარიგებაც იყო, გამხნეებაც და ბრძოლისკენ მოწოდებაც. დიან, ჩვენ დაუფასებელი საუნჯე დავკარგეთ და მის მოგონებაზე ვსტირით და ვგლოვობთ. ჩვენ საჭიროდ არ მიგვაჩნია ეს გლოვა მტერს დაუშვალათ. დეე, მისთვის აშკარა იყოს, რომ ამ საზიზარო მკვლელობით მან საბოლოოდ განამტკიცა ჩვენი რიგები: ჩვენ ერთი წუთითაც არ დავხრით იმ დროსას, რომელიც მისგან მივიღეთ და კიდევ მეტი თავგანწირვით ვიბრძოლებთ მისი წმინდა საქმის გამარჯვებამდე. რამდენათ ძვირფასი იყო ის ჩვენთვის, იმდენათ დაუნდობელი ვიქნებით მათ წინააღმდეგ; ვისთვისაც მისი სიცოცხლე საფრთხეს წარმოადგენდა. ჩვენ ამ ბრძოლაში მწვავეთ ვიგრძნობთ აბოლობას სულით, მაგრამ მის საყვარელ ხალხს დავუბრუნებთ თავისუფლებას, რომლის საგუშაგოზე ასე წარბეზუნებულად დაეცა იგი.

ჯერ კიდევ ახალგაზრდა იყო ნოე, როდესაც სოციალისტურ მოძღვრებას ეზიარა და მაშვრალთ მოძრაობაში ჩაება. ამიტომ ის გამოცდილებით გრძობდა ჩვენთან მჭიდრო კავშირის აუცილებლობას. ის ზედმიწე ნით იცნობდა ახალგაზრდის სათუთ ფსიქოლოგიას და ამ ცოდნით განისაზღვრებოდა მისი ასეთი მეგობრობა ჩვენდამი. დაუნდობელი მტერთან, შეუპოვარი მოწინააღმდეგესთან, ის მამაშვილური მზრუნველობით თავს ევლებოდა ჩვენს ორგანიზაციებს და დღე-ღამ მათ საჭიროებაზე ზრუნავდა. აწმყოს იმდენათ ჰქონდა მისთვის შინაარსი, რამდენათ ის ზემოთ მამაშვილურად ახლოვებდა ჩვენი ხანა ის ეტაპია საუკუნოების ორბრძოლაში, რომელიც დათრგუნვილ სამართლიანობის აღდგენას ამზადებს. რაც არის, ის წარმავალია; რაც უნდა იყოს, მომავლის საკუთრებაა და ეს მომავალი საიმედო ხელებს უნდა გადაეცეს. ასე ესმოდა ნოეს თავის თაობის მოვალეობა. ეს იყო მისი დე ი-ზი. მან თავისი უტყუი ნება; ურყევი სული შთაბერა ჩვენს ორგანიზაციას. ის დიდგლოვი, რომელიც ჩვენმა ორგანიზაციამ მიისაკუთრა ოკუპაციის წინააღმდეგ ბრძოლაში, მასში მომავლის უზრუნველყოფის რწმენას ამტკიცებდა.

ის გრძობდა, რომ სოც. დემ პარტიას ღირსეული მემკვიდრე ვზრდებოდა იმ ორგანიზაციის სახით, რომელიც ასე გატაცებით იტანდა აწმყოს ჯოჯოხეთურ პირობებს და ტანჯის გოლოგათისაკენ ღმირილით მიემართებოდა. ამიტომ იყო, რომ უჩვეულა ოპტიმიზმით შესცქეროდა ის ჩვენი ქვეყნის მომავალს.

მთელი მისი ზრუნვა მიმართული იყო იმისკენ, რომ ჩვენს ირგვლივ გაეფანტა ის სქოლასტური, კომსომოლური ფსიქოლოგია და ატმოსფერა, რაიც ოკუპაციამ გააბატონა ჩვენში. ის დაულალავ მონაწილეობას იღებდა ახალგაზრდობისათვის



თვ ითგანვითარების წრეების დაარსებაში და ამით კიდევ უფრო გვიახლოვდებოდა ვის არ ახსოვს, თუ რა ალტაცებთ ეგებებოდა ის ახალგაზდების ყოველგვარ ინიციატივას? ვინ იცის რამდენ ხანს ცარიელი დარჩება მისი ადგილი ჩვენში? ის დადებითი ცოდნის, გამოცდილების და უშრეტო ენერჯის კარმონიას წარმოადგენდა. ასეთი ადამიანები იშვიათად იბადებიან. მან დაგვიტოვა გაკაფული გზა, ნათელი და სწორი. დეე, მდგომარეობის სიდუხჭირემ ჩვენში გამოაცოცხლოს ის ძალა, რომელიც კოლე ტიურად დაგვაძლევინებს მას, რასაც მისი ერთი ხელის შემოქნევა დაანგრევდა. ჩვენ ამას შევძლებთ, რადგან მის სკოლაში აღვიზარდეთ. სასოწარკვეთილება წარმავალია. სამგლოვიაროთ გულზე დაკრეფილი ხელები კვლავ ამოძრავდება ბოროტების მოსასპობათ. მისი სიყვარული და ხსოვნის პატივისცემა შეგვაძლებინებს შენმატბილებულ საქმიანობას. ამ შეგნებით მიზანს მივალწევთ და მაღლიერ ერს დავუბრუნებთ საყვარელ ბელადის ცხედარს, რომლის სული, თბლათ დარჩენილი. ვედრებით ესალმუნება მას:

«დედა შვილობამ ბევრს არ გთხოვ,
 «შენს მიწას მიმაბარეო,
 «ცა - ფირუზ, ხმელეთ - ზურმუხტო,
 «ჩემო სამშობლო მხარეო!»

სამშობლო მხარე სიყვარულით და სინანულით ჩაიკრავს გულში თავის დაულალავ მოამაგეს და გამარჯვების პანთეონში მიუჩენს სადგურს. ჩვენ კი — მისი მცნებებითა და გამოცდილებით შეიარაღებულნი მტკიცეთ განვაგრძობთ მის დაწყებულ საქმეს.

მისი სახელის მოგონება ფრთებს შეასხამს ჩვენს აღმაფრენას და შეგვაძლებინებს მის ღირსეულ მემკვიდრეობას.

ალარა გვყავს ადამიანი, რომლის მოუსვენარი, მწარე განცდებით სავსე სიცოცხლე ერის ბედს ასე მჭიდროთ გადაება; რომელიც საქვეყნო სამართლიანობის ძიებაში აბოთპრებულ ტალღის სიძლიერით ეხეთქებოდა ცხოვრების უტეხ კედლებს. შეუბრალებლათ მოგვეკეთეს თავი, რომელიც წინ გვიძლოდა ჭეშმარიტებისა და თავისუფლების სამეფოსაკენ. ამის შეგნება შეგვაძლებს ძალას და დაუიწყარი ბელადის ლანდი ჯადოსნური ლამპარივით გაგვინათებს სოციალიზმის ეკლიან ზას, რადგან მასაც ასე ვუყვარდით ჩვენ.

ვ ი ნ წ კ ი რ ე ლ ი

რ ა უ ნ დ ა შ ე ვ ი ს მ ი ნ ო თ მ ი ს ზ ა ნ

მტერი განუსაზღვრელ სიხარულშია... ჩვენ კი ვქვითინებთ ჩვენი მასწავლებლის საფლავზე... მიპარვით, ქურდულათ, მტრის მოსყიდულმა ჯალათმა ტყვიით განგმირა მებრძოლი გული. ხელმძღვანელობიდან მოხსნა ჩვენი «პატარა ნაე», ჩვენი დიდი სამის კაცი, დასწურა დაუშრეტელი ენერჯია, ჩააქრო გულს მოდებული ბრძოლის ცეცხლი, მებრძოლ საქართველოს მოსტაცა ერთი იმედი...

ის, ვინც გვრანძმავდა, გვასწავლიდა და ბრძოლის ველზე გვიძლავდა, აღარ არის. დღეს საქართველოც იმეორებს: «აღარ არის»... და მწარეთ ქვეთინებს ჩვენსაკით, იცრემლება ყველა ქართველი, იცრემლება ყველა მეგობარი საქართველოსი. მხოლოდ მტერი დღესასწაულობს, მტერი ბოროტი და მოთავე უსამართლობის: ის გრძნობს ერთ გამარჯვებას, ერთი ძლიერი ბარიკადის აღებას.

... და რა იცის, რომ ეს სიხარული და გამარჯვება წუთიერია, ხაღხის ნებისყოფა და სურვილი კი უკვდავი?!

ნოეს იდეაც დიდია, უკვდავია. ჩაგრულ ერთა სურვერენობა, დემოკრატიული რესპუბლიკა და სოციალიზმი: აი რა იყო მისი ბრძოლის საგანი, აი რას შეეწირა მისი წმიდა სისხლი. კულტურულ კაცობრიობაში სამარადისოთ ღვივის ეს იდეა: იდეა სამართლიანობის, იდეა თანასწორობის და იდეა კეთილ მეზობლობის. ნოეს სახელიც სამარადისოთ იჩირადნებს თავგანწირულ მებრძოლთა შორის.

და რას გვაძლავებს ჩვენ ეს? რას მოითხოვს ხსოვნა ჩვენი საყვარელი მასწავლებლის? — მტკიცე რიგებს, გამარჯვების სურვილს!

და გზაჯვარედინზე, საცა უსამართლობიდან დაჩაგრულნი ერთი ერთმანეთს ხელს აძლევენ და ეფიცებიან გამარჯვებისთვის ბრძოლაში... საცა სხვა და სხვა სახით, სხვა და სხვა დროს ბრძოლის ველზე გულგანგმირული დაეცნენ: სილიბისტროკარლო, ნოე ხომერიკი, სხვა ათეული ათასი მებრძოლებით... და იქ, საცა პირისხლიანი მტრის ბრძოლაში მარჯვეთ შებმული, მუდამ მხნე ნოე ქორდანია კვლავინდებურათ გადაძახის მებრძოლ საქართველოს: «სწორი გზით. წინ»... აი იქ მოსჩანს აჩრდილი ჩვენი საყვარელი ნოე რაშიშვილის და ბრძოლისკენ მითითებით გვეძახის:

— სიყვარული რწმენის და რწმენა გამარჯვების..

აი. რა უნდა შეისმინოთ მისგან!

მ. მელუა

ქ. სოზო, 16 დეკემბერი

წერილები რედაქციის მიმართ

ამხანაგებო! ვერ ავიწერთ იმ ღრმა აღშფოთებას, რომელიც გამოიწვია ჩემში ჩვენი ძვირფასი ხელმძღვანელის, ნოე რაშიშვილის დაკარგვამ. ვერაგმა ხელმა მოჰკლა ერთი საუკეთესო ხელმძღვანელი, მაგრამ ვერ მოჰკლავს მის ღვაწლსა და მისი სახელი სამუდამო დარჩება ჩვენში. მე ღრმა იმედი მაქვს, რა დიდიც არ არის დაკარგვა, ამით ჩვენი ბრძოლის უნარი არ გატყდება, არამედ ყოველი ჩვენთაგანი უფრო შეიგნებს ორგანიზაციულ სიმაგრისა და სიმტკიცის საჭიროებას. — საერთო გლოვის ხმას შეუერთეთ ჩემი მწუხარებაც.

აკაკი ბარკალაია

გრენობლი, 11 იანვარი, 1930

ამხ.! ღრმად ვარ დამწუხრებული ჩვენი საყვარელი ბელადის, ნოე რაშიშვილის მკვლელობით. დიდია ჩვენი პარტიისათვის ეს დანაკლისი, განსაკუთრებით დღეს, როდესაც მტერს სიკვდილის აჩრდილი თავს დასტრიალებს. მეჰკარით მაგრად რიგები და მტკიცედ ვემსახუროთ საყვარელ ნოეს საქმეს — ქართულ საქმეს.

ტარასი წულაძე

კან, 8 დეკემბერი